



ҮНДЭСНИЙ АУДИТЫН ГАЗАР
НИЙСЛЭЛ ДЭХ
ТӨРИЙН АУДИТЫН ГАЗАР

14200 Улаанбаатар хот, Сүхбаатар дүүрэг, 8 дугаар хороо,
Г.Амарын гудамж, Соёлын төв өргөө, Г корпус, 5 давхар,
Утас: 7000 7734, Факс: (976-11) 32 01 54,
И мэйл: ub@audit.gov.mn, Вебсайт: www.audit.mn

2023. 04. 18 № 89
танай _____-ны № _____-т

БАЯНГОЛ ДҮҮРГИЙН
АРДЧИЛСАН НАМЫН
ХОРООНД

**Хандивын тайлангийн дүгнэлт
хүргүүлэх тухай**

Хандивын тайлангийн дүгнэлт

Баянгол дүүргийн иргэдийн Төлөөлөгчдийн Хурлын ээлжит бус нөхөн сонгуульд оролцох Баянгол дүүргийн Ардчилсан намын хорооноос ирүүлсэн хандивын тайланг Төрийн аудитын тухай хуулиар тодорхойлсон төрийн аудитын байгууллагын бүрэн эрхийн хүрээнд хянан баталгаажуулж, дүгнэлт гаргалаа.

Үүрэг хариуцлагын талаарх мэдээлэл

Баянгол дүүргийн иргэдийн Төлөөлөгчдийн Хурлын ээлжит бус нөхөн сонгуульд оролцох нам нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 25 дугаар зүйлийн 25.3.6, 25.4.6-д заасны дагуу иргэн, хуулийн этгээдээс өгсөн хандивын тайлангаа мөн хуулийн 37 дугаар зүйлийн 37.7-д заасны дагуу Төрийн аудитын орон нутаг дахь салбар байгууллагад хүргүүлж, дүгнэлт гаргуулах үүргийг хүлээнэ.

Хандивыг Нягтлан бодох бүртгэлийн олон улсын стандарт, Нягтлан бодох бүртгэлийн тухай хуулийн 5 дугаар зүйлийн 5.1.4, мөн хуулийн 16 дугаар зүйл, Сангийн сайдын 2017 оны 386 дугаар тушаалаар батлагдсан санхүүгийн тайлангийн маягт, зааврын дагуу бэлтгэсэн санхүүгийн тайландаа тусгах үүргийг улс төрийн нам хүлээнэ.

Нийслэл дэх Төрийн аудитын газар нь Төрийн аудитын тухай хууль болон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуульд заасны дагуу ээлжит бус нөхөн сонгуульд оролцох улс төрийн нам, эвсэлд иргэн, хуулийн этгээдээс өгсөн хандивын тайланг хянан баталгаажуулж, дүгнэлт гаргана.

Намаас дүгнэлт гаргуулахаар ирүүлсэн хандивын тайланд тусгагдаагүй хандивыг хянан баталгаажуулахгүй бөгөөд түүнээс үүсэх үр дагавар, хариуцлагыг Төрийн аудитын орон нутаг дахь салбар байгууллага хүлээхгүй болно.

Дүгнэлтийн үндэслэл

Нийслэл дэх Төрийн аудитын газар нь Баянгол дүүргийн иргэдийн Төлөөлөгчдийн Хурлын нөхөн сонгуульд оролцох Баянгол дүүргийн Ардчилсан намын хороонд иргэн, хуулийн этгээдээс өгсөн хандивын тайланг Аудитын дээд байгууллагуудын Олон улсын стандарт-4000, Монгол Улсын Ерөнхий аудиторын 2020 оны А/47 тоот тушаалаар батлагдсан зааврыг баримтлан Улс төрийн намын тухай хуулийн 18 дугаар зүйлтэй нийцэж буй эсэхийг дэмжих нотлох баримт, дүн дүгнэлтийн үндсэн дээр хянан баталгаажуулж, дүгнэлт гаргасан болно.

Дүгнэлт

Баянгол дүүргийн Ардчилсан нам ээлжит бус нөхөн сонгуулийн жилийн өмнөх тайлант жилийн 01 дүгээр сарын 01-ний өдрөөс 12 дүгээр сарын 31-ний өдрийг хүртэл хугацаанд хандив хүлээн аваагүй, хандивын орлого бүртгэж тайлагнаагүй байна.

Баянгол дүүргийн Ардчилсан намын хорооноос ирүүлсэн хандивын тайланг хавсралтаар хүргүүлэв.

Хувийг: Нийслэл, Баянгол дүүргийн Сонгуулийн хороонд

Хавсралт: 2 хуудастай

ДАРГА, ТЭРГҮҮЛЭХ
АУДИТОР



М.ЭРДЭНЭЖАРГАЛ

Нам эвслээс ирүүлсэн хандивын тайланг хянан баталгаажуулж,
дүгнэлт гаргах зааврын хавсралт Маягт 1

Баянгол, Сүхбаатар дүүргийн иргэдийн Төлөөлөгчдийн Хурлын 2023 оны нөхөн сонгуульд оролцох нам эвсэлд
"ИРГЭН"-ээс өгсөн хандивын тайлангийн маягт

Андрейсан /нам, эвслийн нэр/

| Д/д | Иргэний овог нэр | Хандив өгсөн иргэний мэдээлэл | | | | Хандив өгсөн огмоо | Хандивын мөнгөн дүн | Хандив хүлээн авсан | | Тайлбар |
|---|---------------------|-------------------------------|-----|---------------|--------|-----------------------|------------------------|---------------------|------------|---------|
| | | Регистрийн дугаар | Нас | Оршин хаяг | суугаа | | | Утасны дугаар | Банкны нэр | |
| Ээлжит бус нөхөн болон дахин сонгуульд тухайн сонгуулийн жилийн өмнөх тайлант жилийн 01 дүгээр сарын сарын 01-ээс 12 дугаар сарын 31-ний өдрө тасалбар болгосон | | | | | | | | | | |
| 1 | | | | | | | | | | |
| 2 | | | | | | | | | | |
| 3 | | | | | | | | | | |
| 4 | | | | | | | | | | |

Санамж: Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуулийн 25 дугаар зүйлийн 25.3.6, 25.4.6-д заасан иргэн, хуулийн этгээдээс өгсөн хандивт намын дүрэм, дотоод зохион байгуулалтын үйл ажиллагаанд зориулан өгсөн хандивыг хамруулахгүй.



/тухайн намын эрх бүхий албан тушаалтан гарын үсэг зурж, албан ёсны тамга тэмдгээр баталгаажуулна.

ХЯНАСАН: *БТД-ийн АШ дарга*

Албан тушаал

Члээсүрэн Золубаева

Овог нэр

Гарын үсэг

2023.04.10

Огноо

Нам эвслээс ирүүлсэн хандивын тайланг хянан баталгаажуулж,
дүгнэлт гаргах зааврын хавсралт Маягт 2


Баянгол, Сүхбаатар дүүргийн иргэдийн Төлөөлөгчдийн Хурлын 2023 оны нөхөн сонгуульд оролцох нам эвсэлд

"ХУУЛИЙН ЭТГЭЭД"-ээс өгсөн хандивын тайлангийн маягт

Ардчилсан /нам, эвслийн нэр/

| Д/д | Хуулийн этгээдийн нэр | Хандив өгсөн хуулийн этгээдийн мэдээлэл | | | | Хандив хүлээн авсан | | | Мөнгөн дүн | Тайлбар |
|---|-----------------------|---|---------------------|----------------------------|------------------------|--------------------------|-------|------------|------------|---------|
| | | регистрийн дугаар | Хаяг, утасны дугаар | Үүсгэн байгуулагдсан огноо | Үйл ажиллагааны чиглэл | Хуулийн этгээдийн хэлбэр | Огноо | Банкны нэр | | |
| Ээлжит бус нөхөн болон дахин сонгуульд тухайн сонгуулийн жилийн өмнөх тайлант жилийн 01 дүгээр сарын сарын 01-ээс 12 дугаар сарын 31-ний өдрөөр тасалбар болгосон | | | | | | | | | | |
| 1 | <i>2</i> | | | <i>2</i> | | <i>2</i> | | | | |
| 2 | | | | | | | | | | |
| 3 | | | | | | | | | | |
| 4 | | | | | | | | | | |

Санамж: Аймаг, нийслэл, сум дүүргийн иргэдийн Төлөөлөгчдийн Хурлын сонгуулийн тухай хуулийн 25 дугаар зүйлийн 25.3.6, 25.4.6-т заасан иргэн, хуулийн этгээдээс өгсөн хандивт намын дүрэм, дотоод зохион байгуулалтын үйл ажиллагаанд зориулан өгсөн хандивыг хамруулахгүй



/Тухайн намын эрх бүхий албан тушаалтан гарын үсэг зурж, албан ёсны тамга тэмдгээр баталгаажуулна.

ХЯНАСАН: *Б.Д-ийн Ал гарга*

Албан тушаал

Улс сурт Баянгол

Овог нэр

2023.04.10

Огноо

Гарын үсэг



ҮНДЭСНИЙ АУДИТЫН ГАЗАР
НИЙСЛЭЛ ДЭХ
ТӨРИЙН АУДИТЫН ГАЗАР

14200 Улаанбаатар хот, Сүхбаатар дүүрэг, 8 дугаар хороо,
Г.Амарын гудамж, Соёлын төв өргөө, Г корпус, 5 давхар,
Утас: 7000 7734, Факс: (976-11) 32 01 54,
И мэйл: ub@audit.gov.mn, Вебсайт: www.audit.mn

2023-04-18 № 842

танай _____-ны № _____-т

**Мөрийн хөтөлбөрт хийсэн аудитын
дүгнэлт хүргүүлэх тухай**

Сонгуулийн мөрийн хөтөлбөрийн дүгнэлт

Төрийн аудитын тухай хуулийн 6 дугаар зүйлийн 6.3, Аймаг, нийслэл, сум, дүүргийн иргэдийн Төлөөлөгчдийн хурлын сонгуулийн тухай хуулийн 37 дугаар зүйлийн 37.5-д заасан Төрийн аудитын байгууллагын бүрэн эрхийн хүрээнд Орон нутгийн Хурлын ээлжит бус нөхөн сонгуульд оролцох Ардчилсан намын сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Баянгол дүүргийн иргэдийн Төлөөлөгчдийн хурлын ээлжит бус нөхөн сонгуульд оролцох нам нь сонгуулийн мөрийн хөтөлбөртөө Аймаг, нийслэл, сум, дүүргийн иргэдийн Төлөөлөгчдийн хурлын сонгуулийн тухай хууль, Төсвийн тогтвортой байдлын тухай хууль болон “Алсын хараа-2050”-д нийцүүлэн боловсруулсан Нийслэлийг хөгжүүлэх хэтийн зорилт, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцооны хамт ирүүлж, хуульд заасны дагуу дүгнэлт гаргуулах үүрэг хүлээнэ.

Сонгуулийн мөрийн хөтөлбөрийн дүгнэлтийн үндэслэл

Төрийн аудитын байгууллага нь дүүргийн иргэдийн Төлөөлөгчдийн Хурлын ээлжит бус нөхөн сонгуульд оролцох намын сонгуулийн мөрийн хөтөлбөрийг хянан үзэхдээ Төрийн аудит MNS 6817-1:2020 Тулгуур зарчим, Төрийн аудит MNS 6817-6:2020 Нийцлийн аудитын зарчим, Төрийн аудит MNS 6817-8:2020 Нийцлийн аудитын стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, нийслэлийн 2022-2023 оны төсвийн төсөөлөл, “Алсын хараа 2050”, Нийслэлийг хөгжүүлэх хэтийн зорилт, Нийслэлийг 2021-2025 онд хөгжүүлэх таван жилийн үндсэн чиглэл бусад байгууллагаас авсан мэдээллийг шалгуур болгосон.

Дүгнэлт

Ардчилсан намын Баянгол дүүргийн иргэдийн Төлөөлөгчдийн Хурлын ээлжит бус нөхөн сонгуульд оролцохоор ирүүлсэн сонгуулийн мөрийн хөтөлбөр, түүнд

орсон зорилт, арга хэмжээ нь Аймаг, нийслэл, сум дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, “Алсын хараа-2050”, Нийслэлийг хөгжүүлэх хэтийн зорилт, “Нийслэлийг 2021-2025 онд хөгжүүлэх таван жилийн үндсэн чиглэл, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

Баянгол дүүргийн Ардчилсан намын мөрийн хөтөлбөрийг хавсаргав.

Хувийг Нийслэл, Баянгол дүүргийн сонгуулийн хороонд

Хавсралт ᠙ . хуудастай

ДАРГА, ТЭРГҮҮЛЭХ
АУДИТОР



М.ЭРДЭНЭЖАРГАЛ

БАЯНГОЛ ДҮҮРГИЙН АРДЧИЛСАН НАМ

“ӨРХИЙГ ДЭМЖСЭН-ӨСӨЛТИЙН БОДЛОГО”
Баянгол дүүргийн Иргэдийн төлөөлөгчдийн хурлын 2020 оны ээлжит сонгуульд
оролцох БГД-ийн Ардчилсан намын Мөрийн хөтөлбөр



2020 он
Улаанбаатар хот



1.ОРШИЛ

Баянгол дүүргийн Ардчилсан нам Баянголчуудынхаа дэмжлэг, иргэдийнхээ даалгавараар 2012-2016 онд "5А" мөрийн хөтөлбөр, 2016-2020 онд "ШИЙДЭЛ 2020" мөрийн хөтөлбөрөө амжилттай хэрэгжүүллээ.

Баянгол дүүрэгт 2012-2020 онд эрүүл мэнд, боловсрол, дэд бүтэц, зам харилцаа, хүний хөгжлийн чиглэлээр томоохон хөрөнгө оруулалт, бүтээн байгуулалтын ажлууд хийгдэж шинэчлэл, өөрчлөлтийн суурийг амжилттай тавьсан.

Дүүргийн Иргэдийн Төлөөлөгчдийн Хурлын үйл ажиллагаа тогтмолжиж, иргэддээ улам бүр нээлттэй, ил тод байх зарчимд шилжин ажиллаж байна. Бид иргэдийнхээ дуу хоолойг сонсдог, тэднийхээ санаа бодолд тулгуурлан үйл ажиллагаагаа явуулахыг зорин ажиллаж ирсэн.


Бидэнд ахиулан хийх ажил их байна. Бид Баянгол дүүргийнхээ хөгжлийн шийдлийг тодорхойлсон, ард иргэд нь амьдрахад таатай орчин, нөхцөлтэй, эрүүл мэндийн чанартай, хүртээмжтэй тусламж үйлчилгээтэй, хүүхэд багачууд нь сургууль, цэцэрлэгтэй, аюулгүй, амгалан, өрх бүрт өсөлтийг хүргэсэн "ӨРХИЙГ ДЭМЖСЭН-ӨСӨЛТИЙН БОДЛОГО" мөрийн хөтөлбөрөө иргэд, сонгогчиддоо танилцуулж байна.

Энэ бол "5А", "ШИЙДЭЛ 2020" мөрийн хөтөлбөрийн үргэжлэл, өсөлтийг өрх бүрд хүргэх цогц бодлого юм.

Таныг бидний дэвшүүлсэн мөрийн хөтөлбөрийг дэмжин Баянгол дүүргийн Ардчилсан намаас нэр дэвшүүлсэн ӨРХИЙГ ДЭМЖСЭН ХӨГЖЛИЙН БАГ-аа багаар нь дэмжиж дүүргийнхээ хөгжил, дэвшлийн төлөө бидэнтэй хамтран ажиллана гэдэгт итгэл дүүрэн байна.

Баянгол дүүрэг хөгжлийн хурд, бүтээн байгуулалтын эрчээ улам нэмэх болтугай.

--ooOOoo--




1.НЭЭЛТТЭЙ ЗАСАГЛАЛТАЙ БАЯНГОЛ ДҮҮРЭГ

1. Дүүргийн хөгжлийн бодлого боловсруулах, дүүргийн төсөв, тухайн жилийн эдийн засаг, нийгмийн зорилтыг боловсруулах, батлахдаа иргэдийн саналыг авах, тусгах ажлыг үргэлжлүүлэн хэрэгжүүлнэ.
2. Дүүргийн Иргэний танхимын үйл ажиллагааг идвэжжүүлж дүүргийн удирдлагын шийдвэр гаргалтанд иргэдийн байр суурь, санал бодлыг тусгах, олон нийтийн санааг зовоож буй асуудлаар нээлттэй хэлэлцүүлэг хийх, хууль эрх зүйн чиглэлээр иргэдийг сургалтанд хамруулах, хуулийг сурталчлах, төрийн байгууллагуудын үйл ажиллагааны талаарх мэдээллээр хангах, иргэдэд шаардлагатай бүхий л төрлийн сургалтуудыг зохион байгуулж ажиллана.
3. Нэг цэгийн үйлчилгээний төвийн үйлчилгээний нэр төрөл, хүртээмжийг нэмэгдүүлнэ.
4. 1800-1222 дугаар бүхий Баянгол дүүргийн лавлан туслах үйлчилгээг үргэлжлүүлэн ажиллуулж, иргэн, ААН, байгууллагын өргөдөл, гомдлыг шуурхай шийдвэрлэх "ШУУРХАЙ БАГ"-ийг тогтмол ажиллуулна.
5. Хорооны цогцолбор байргүй 9, 18, 24, 25 дугаар хороог цогцолбор байртай болгож, Баянгол дүүргийн 25 хороонд төрийн үйлчилгээг чирэгдэлгүй, түргэн шуурхай, хүртээмжтэй үзүүлэх нэгдсэн стандартыг батлан мөрдүүлж ажиллана.
6. Хүн амын тоо, газарзүйн байршлыг харгалзан 3, 5, 6, 7, 12, 20 дугаар хороодыг хуваан шинээр хороо байгуулах асуудлыг эрх бүхий байгууллагатай хамтран шийдвэрлэж, төрийн үйлчилгээг иргэдэд ойртуулна.
7. Дүүргийн иргэдэд газар өмчлүүлэх ажлыг бусад газрын нөөц бүхий дүүргүүд болон улсын чанартай авто зам дагуу зохион байгуулна.
8. Хувиараа хөдөлмөр эрхлэгч иргэн, жижиг дунд бизнес эрхлэгчдийг дэмжих, тэдний үйлдвэрлэсэн бараа бүтээгдэхүүнийг борлуулах зорилгоор "Баянголд үйлдвэрлэв" үзэсгэлэн худалдааг үргэлжлүүлэн зохион байгуулж, тоог нэмэгдүүлнэ.
9. Мэдээ мэдээллийг нээлттэй, хүртээмжтэй, ил тод байлгаж www.bgd.mn веб хуудсын үйл ажиллагааг мэдээлийн эх сурвалж болгоно.

2.АМЬДРАХАД ТААТАЙ БАЯНГОЛ ДҮҮРЭГ

1. Дүүргийн гэр хороолол бүхий хороодыг инженерийн дэд бүтэц /цэвэр ус, бохир ус ариутгах татуурга, шилэн кабель/-д холбож, халаалтын төвлөрсөн болон бие даасан эрчим хүчний эх үүсвэртэй амины орон сууц болгон дахин төлөвлөх "БАЯНГОЛ-АМИНЫ ОРОН СУУЦ" хөтөлбөрийг хэрэгжүүлнэ.
2. Дулаан алдагдал ихтэй угсармал орон сууцны фасадыг шинэчлэх, дулаалах "ДУЛААН ТЕХНИКИЙН ШИНЭЧЛЭЛ" хөтөлбөрийг хэрэгжүүлж 2, 3, 4, 10-р хороолол болон 6-р бичиг хорооллын 495 орон сууцыг дулаална.
3. Ахмад настан, хөгжлийн бэрхшээлтэй иргэд, өрх толгойлсон иргэд, залуу гэр бүл зэрэг дэмжлэг, тусалцаа шаардлагатай 1000 өрх, иргэнийг хамруулах "БАЯНГОЛ-ТҮРЭЭСИЙН ОРОН СУУЦ" хөтөлбөрийг хэрэгжүүлнэ.
4. Орон сууцны дээвэр засвар, лифт шинэчлэлийн ажлыг үргэлжлүүлэн хийнэ.
5. Дүүргийн алслагдсан хороодод нийтийн тээврийн үйлчилгээний хүртээмжийг нэмэгдүүлнэ.
6. "Баянголчуудын Бямба" аяныг үргэлжлүүлэн зохион байгуулж, бүх нийтийн тохижилт, их цэвэрлэгээний ажлыг эрчимжүүлнэ.




7. Хог хаягдлыг ангилан ялгах тогтолцоог нэвтрүүлж, "Баянгол шинэ өргөө" ОНӨААТҮГ-ын дэргэд бага оврын хог хаягдал боловсруулах үйлдвэр байгуулна.
8. Ашиглалтын шаардлага хангахгүй болсон хуучин орон сууцны барилгуудыг иргэдийнх нь оролцоотойгоор дахин төлөвлөлт хийж, төсөл сонгон шалгаруулалтаар дахин барилгажуулах ажлыг нийслэлийн Хот байгуулалт, хөгжлийн газар болон төсөл хэрэгжүүлэгч байгууллагуудтай хамтран үргэлжлүүлэн хэрэгжүүлнэ.
9. Дүүргийн нутаг дэвсгэрт байгаа тоосгон болон дан гражийг иргэдийн оролцоотой дахин төлөвлөж, газар доор болон олон давхар авто зогсоол барих ажлыг УБ хотын Захирагчийн ажлын алба болон төсөл хэрэгжүүлэгчтэй хамтран хэрэгжүүлнэ.
10. Дүүргийн иргэд, аж ахуйн нэгж, байгууллагын идэвх санаачлагад тулгуурлан нийтийн эзэмшлийн зам талбайг цэцэрлэгжүүлэх, зүлэгжүүлэх, мод тарих замаар ногоон байгууламжийг 25 хувиар нэмэгдүүлнэ.
11. "Баянгол-Агропарк" ОНӨУТҮГ-ын эзэмшил талбайд цэцэрлэгт хүрээлэн байгуулж, иргэдийн амралт, зугаалгын бүс бий болгоно.
12. Хуучны орон сууцны дундах эвдэрсэн авто замыг нөхөх, засварлах болон шинэчлэх ажлыг нийслэлийн холбогдох байгууллагатай хамтран зохион байгуулна.
13. Цэвэр усны хангамж хангалтгүй гэр хороолол бүхий хороодод цэвэр ус түгээх худаг барина.
14. Сууц өмчлөгчдийн холбоодын үйл ажиллагааг дэмжиж, дүүргийн Нэгдсэн зөвлөлийг үргэлжлүүлэн ажиллуулна.

3.ЭРҮҮЛ ЧИЙРЭГ ИРГЭНТЭЙ БАЯНГОЛ ДҮҮРЭГ

1. Өрхийн эмнэлэгийн цогцолбор байргүй 9, 18, 24, 25 дугаар хороог цогцолбор байртай болгож, иргэдэд анхан шатны эрүүл мэндийн тусламж, үйлчилгээг чанартай хүргэх ажлыг зохион байгуулна.
2. Хороо, өрхийн эрүүл мэндийн төвөөс алслагдсан хороолол, хотхонд ӨЭМТ-ийн салбарыг байгуулж анхан шатны эрүүл мэндийн тусламж, үйлчилгээг хүргэнэ.
3. Хүн амын эрүүл мэндийг дэмжих, бие бялдрыг чийрэгжүүлэх зорилгоор нийтийн биеийн тамир, спортыг хөгжүүлэх зорилгоор "Баянгол олимп" наадмыг тогтмол зохион байгуулан ажиллана.
4. Баянгол дүүргийн Ахмад хөгжлийн ордонд ахмад настанд зориулсан эрүүл мэндийг дэмжих, бие бялдрыг чийрэгжүүлэх болон нийгэм соёлын, олон нийтийн үйл ажиллагааг тогтмолжуулна.
5. Баянгол дүүргийн 15 дугаар хорооны нутаг дэвсгэрт 2014 онд барилгын ажлыг эхлүүлсэн дүүргийн Спорт цогцолборыг¹ ашиглалтанд бүрэн оруулж дүүргийн хүүхэд залуучуудыг спортын бүх төрлөөр хичээллэх, бие бялдраа хөгжүүлэх, чөлөөт цагаа зөв боловсон өнгөрөөх боломжийг бүрдүүлнэ.
6. Иргэдийн эрүүл мэндийг дэмжих зорилгоор дүүргийн хэмжээнд гүйлтийн зам, дугуйн зам, чийрэгжүүлэлтийн талбай бүхий цогцолбор 2-с доошгүйг байгуулна.
7. Агаарын бохирдлыг бууруулах зорилгоор сайжруулсан түлш нийлүүлэх, худалдаалах үйл ажиллагааг эрх бүхий байгууллагатай хамтран иргэдэд хүндрэл чирэгдэлгүй зохион байгуулж ажиллана.

¹ Гүйцэтгэл 80 хувьтай байна.



8. Дүүргийн нутаг дэвсгэрт байрлах хоёрдогч түүхий эдийн цэгийн тоог цөөрүүлж, алслагдсан хороодод нүүлгэн шилжүүлэх, түүний хэрэгжилтэнд хяналт тавин ажиллана.

4.ЭРДЭМ БОЛОВСРОЛТОЙ ИРГЭНТЭЙ БАЯНГОЛ ДҮҮРЭГ

1. Төсвийн болон хувийн хөрөнгө оруулалтаар ерөнхий боловсролын сургууль, цэцэрлэгүүдэд өргөтгөл хийх замаар хичээллэх ээлжийн тоог бууруулж, анги дүүргэлтийн стандартыг мөрдүүлнэ.
2. Ерөнхий боловсролын сургуулийн багш нарын үйл ажиллагааг ажлын чанар, үр дүнгийн индексээр урамшуулна.
3. Нийслэлтэй хамтран 1, 16, 17, 21, 22, 23 дугаар хороодод шинээр хүүхдийн цэцэрлэг байгуулж сургуулийн өмнөх боловсролд хамрагдалтын хувь хэмжээг 100 хувьд хүргэнэ.
4. Иргэд, аж ахуйн нэгжүүдээс хүүхэд харах үйлчилгээ, алслагдсан гэр хороололд цэцэрлэгийн салбар бүлэг байгуулахыг дэмжинэ.
5. Горхи-тэрэлжийн байгалийн цогцолбор газарт 2014 онд барилгын ажлыг эхлүүлсэн "Баянгол-Хүүхдийн зуслан"-г бүрэн ашиглалтанд оруулж, үйл ажиллагааг эхлүүлнэ.
6. Баянгол дүүргийн "Хүүхэд, залуучуудын соёлын ордон"-д шаардлагатай нэмэлт хөрөнгө оруулалтыг шийдвэрлэн үйл ажиллагааны чанар, хүртээмжийг дээшлүүлнэ.
7. Өсвөр насны хүүхэд багачуудад цэрэг, эх оронч хүмүүжил олгох "Эх орон-36" хөтөлбөрийг үргэлжлүүлэн хэрэгжүүлнэ.

5.АЮУЛГҮЙ АМГАЛАН БАЯНГОЛ ДҮҮРЭГ

1. Гэмт хэрэг, зөрчлөөс урьдчилан сэргийлэх "Хөршийн холбоо" дэд хөтөлбөрийг үргэлжлүүлэн хэрэгжүүлнэ.
2. Олон нийтийн цагдаагийн үйл ажиллагааг идэвхжүүлэн дэмжиж, орчны аюулгүй байдлыг сайжруулна.
3. "Сэргийлэгч" хөтөлбөр, "Өсвөрийн сэргийлэгч" дэд хөтөлбөрийг үргэлжлүүлэн хэрэгжүүлж гэмт хэрэг, зөрчлөөс урьдчилан сэргийлэх талаарх мэдээ, мэдээллийг иргэд, хүүхэд залуучуудад олгох, тэднийг урьдчилан сэргийлэх ажилд татан оролцуулах арга хэмжээ авч ажиллана.
4. Нийтийн эзэмшлийн талбай, орон сууцны болон гэр хорооллын гудамж талбайд шинээр гэрэлтүүлэг, камер суурилуулах ажлыг үргэлжлүүлэн хийнэ.
5. Дүүргийн хэмжээнд эзэнгүй нохой, муур устгалын ажлыг эрчимжүүлж, тоог бууруулахад шинэлэг арга хэлбэрийг ашиглана.
6. Дүүргийн хэмжээнд эрсдэлт нөхцөлд байгаа хүүхдэд тавих хяналтыг сайжруулж, хүүхэд хамгааллын үйлчилгээг чанартай хүргэж ажиллана.

--ooOOoo--

